



Jesus ons Verlosser leef! Ons reik uit oor alle grense.

14 OKTOBER 2018

STELLENBERG-GEMEENTE

021 976 4519 (kerkkantoor)

021 975 1044 (jeugkantoor)

021 910 3900 (feesmark)

021 976 8029 (SOS)

www.stellenberg.co.za

navrae@stellenberg.co.za

## GEMEENTEBULLETIN

### EREDIENSTE

14 Oktober

21 Oktober

#### OGGENDDIENS

Paasfees  
(Eksodus 12:1-8)

|            |                          |               |   |               |   |
|------------|--------------------------|---------------|---|---------------|---|
| 09:00 Kerk | Gesamentlike oggenddiens | Ds. Potgieter | 5 | Ds. Potgieter | 1 |
|            |                          |               | 6 |               | 7 |

|             |            |                  |   |                  |  |
|-------------|------------|------------------|---|------------------|--|
| 09:00 Kapel | Meditatief | Philipp Dietmann | - | Philipp Dietmann |  |
|-------------|------------|------------------|---|------------------|--|

#### KLOUTERKERK

Familiefees  
(1 Kor. 12:12)

|            |                                            |           |   |                 |  |
|------------|--------------------------------------------|-----------|---|-----------------|--|
| 09:00 Tent | Klouterkerk/<br>Blokdiens vir nuwe lidmate | Ds. Kotze | - | Ds. Breytenbach |  |
|------------|--------------------------------------------|-----------|---|-----------------|--|

|            |           |           |   |           |  |
|------------|-----------|-----------|---|-----------|--|
| 18:00 Kerk | Jeugdiens | Ds. Kotze | - | Ds. Kotze |  |
|------------|-----------|-----------|---|-----------|--|

|             |            |               |    |             |    |
|-------------|------------|---------------|----|-------------|----|
| 19:00 Kapel | Kruisdiens | Ds. Duvenhage | 12 | Ds. Visagie | 11 |
|-------------|------------|---------------|----|-------------|----|

#### JEUGDIENS

Gemeen of  
Gemeenskap  
(1 Joh. 1:7)

### DANKBIDUUR VIR GOEIE REËNVAL

Op Maandag 15 Oktober om 19:00 kom ons in die kapel byeen uit dankbaarheid vir die goeie reënval wat ons die afgelope winter beleef het. Almal is welkom.

#### KLEUTER- EN PEUTERKERK

In die  
komiteekamer by  
kerkkantoor.

### PREDIKANTE WAARDERINGS DAG

Op Sondag 14 Oktober vier gemeentes landwyd Predikante Waarderingsdag. In Stellenberg-gemeente is ons bevoorreg om vyf voltydse predikante, wat die gemeente met toewyding dien, te hê. Lidmate het waardering vir hulle ywer en liefde vir die gemeente asook die rol wat hulle as leiers en rigtingwysers in die gemeente vervul.

#### DEURKOLLEKTE

Alta du Toit  
Nasorg

### GESAMENTLIKE DIENS 14 OKT. TOT 4 NOV.

Die gesinsdiens verskuif vanaf 14 Oktober tot 4 November, na die oggenddiens om 09:00 in die kerk. Ons nooi alle lidmate uit om in die die besondere aanbiddingservaring te kom deel.

## JEUGDAGBOEK

- JUNIOR KLEINGROEPE: Alle graadgroepe ontmoet om 10:00 in die kerk. Ons begin met 'n splinternuwe feesreeks.
- JEUGDIENS: Begin om 18:00 met kleingroepe na die diens.
- SENIORKLEINGROEPLIERS: Ontmoet om 17:30.
- ANNIBRAND KLEINGROEPE: Vir jong volwassenes, kom op Woensdae om 18:30 bymekaar. Kontak jeugkantoor vir info.
- **BLISS:** Groep vir jong volwassenes kom tydens die feesmarktyd vanaf **14 Oktober tot 4 November om 16:30 tot 18:00 in die kapel** bymekaar, met selgroepe Woensdae om 18:30. Kontak jeugkantoor vir meer info.
- GRAAD 1-TOT-3-KAMP: 9 tot 10 November in die grootsaal. Inskrywingsvorms is op [www.stellenberg.co.za](http://www.stellenberg.co.za) beskikbaar.
- GRAAD 9-EN10-KAMP: 26 tot 28 Oktober. Kry inskrywingsvorms op [www.stellenberg](http://www.stellenberg) of skryf via die jeug app in .
- JEUG-APP: Gaan na die *Google Play* of *Apple Store* en soek "Stellenberg". Laai af en geniet!
- DELFT-UITREIK: Elke Donderdag direk na skool om 14:30.

## LEEF LIGTER

### 'n Interaktiewe werkwinkel vir vroue.

Vroue moet daagliks 'n klomp balle in die lug hou. Hoe gemak as die balle te veel raak en jy nie meer kan bybly nie? Datum en tyd: 30 Oktober 18:30 tot 20:00

Aanbieder: dr. Carlien van Wyk Koste: R40 per persoon

Besprekings: Anneke by [sos@stellenberg.co.za](mailto:sos@stellenberg.co.za) of 021 976 8029.

## GEMEENTEKOMMUNIKASIE

Ons wil graag die maandelikse gemeentekoerant *Stellenberger* asook die weeklikse bulletin elektronies aan lidmate versprei. Indien jy nog nie nuus elektronies ontvang nie, stuur asb. 'n e-pos aan [sanel@stellenberg.co.za](mailto:sanel@stellenberg.co.za)

## KLEINGROEPE VANDAG

Graad 1 tot 7: Kerk

Graad 8 tot 10: Kerk

Graad 11: Tent

## KAFETERIA EN TEETUIN

Die kafeteria en teetuin verskuif vanaf 14 Oktober tot 4 November na die restauranttent van die Feesmark. Tee word gratis bedien en koffie, verversings en cappuccino's kan gekoop word.

## MANNEKAMP

### 9 EN 10 NOVEMBER

Kom beleef geestelike verdieping, saamwees en 'n geleentheid om die Heilige Gees weer te ervaar. Ons hoop om die mannekampe te laat herleef en hierdie is die eerste aanbieding.

Koste: R950.00, sluit etes en materiaal in. Navrae:

Retief Ueckermann  
082 498 3448.

Besprekings: Lindy by  
021 976 4519 of

[lindy@stellenberg.co.za](mailto:lindy@stellenberg.co.za),  
R400 deposito.

## **FEESMARK 17 OKT. TOT 3 NOV.**

Die Feesmark begin op Woensdag 17 Oktober. Besoek die mark en restaurant weksdae tussen 10:00 en 20:00 en Saterdag tussen 09:00 en 18:00.

'n Splinternuwe **AANLYN WINKEL** met feesmarkprodukte word ook vanjaar vanaf 17 Oktober tot 3 November via [www.stellenberg.co.za](http://www.stellenberg.co.za) bekendgestel. Besoek dit gerus om jou feesmarkaankope in die gerief van jou eie huis te doen. Aankope kan by die afhaalpunt by die Feesmark se hoofingang afgehaal word, of na 'n adres van jou keuse, op eie koste, gekoerier word.

Ons vra ook lidmate se voorbidding vir dié groot projek. Die Feesmark is een van ons gemeente se grootste fondsinsamelingsprojekte.

## **STELLENBERG-BYBELSKOOL**

### **Die vertellers van die Ou Testament**

Die Ou Testament het oor 'n lang tydperk tot stand gekom en in dié vier-weke-kursus ondersoek ons die proses – wie die vertellers van verhale was en wat hulle daardeur wou kommunikeer.

Aanbieder: ds. Marius Breytenbach

Datums: Dinsdagaande (13,20,27 Nov. asook 4 Des.) om 19:00-20:30. Koste: R30. Plek: Stellenberg-kleinsaal

Inskrywings: Karin Barter by 021 976 4519 of [karin@stellenberg.co.za](mailto:karin@stellenberg.co.za)

## **BLOKDIENS VIR NUWE LIDMATE**

Ons nooi alle nuwe lidmate wat gedurende 2018 by die gemeente aangesluit het na 'n spesiale blokdiens op Sondagoggend 21 Oktober om 09:00 in die feesmark se restauranttent. Laat weet asb. vir Odette by 021 976 4519 of [odette@stellenberg.co.za](mailto:odette@stellenberg.co.za) indien jy die byeenkoms sal bywoon, sodat ons verversings kan reël.

## **EDELWEISS BYBELSTUDIE**

Donderdag 18 Oktober om 15:00 en 15:45

Handelinge 22

Paulus getuig oor sy bekering.

## **VROUEKAMP**

19-21 Oktober

Plek: Die Eiland, Stellenbosch

Koste: R520

Navrae: Rita Robertson  
084 640 4183

## **DR. FRANCOIS CARR**

**bied aan**

“Coaching” met dissipelskapskursus op 30 en 31 Oktober by NG Kerk La Rochelle.

Koste: R250 vir die eerste persoon in 'n gesin en R150 vir alle ander gesinslede.

Navrae: Hansie Louw  
082 776 5462 of  
[hansielouw2@gmail.com](mailto:hansielouw2@gmail.com)

## **MET LEEDWESE**

Ons neem afskeid van:

- Pieter Jacobus (Piet) Delport, gebore 25/05/1944 en oorlede op 7/10/2018. Sy gedenkdien was op 12 Oktober in die kerk. Piet was sedert 1977 'n lidmaat van die gemeente. Ons meegevoel met sy vrou, Mariana, Cederbergstraat 4, wat hy agterlaat.
- Monica Dorothea (Monica) Mostert, gebore 20/10/1925 en oorlede op 12/10/2018. Sy was sedert 1982 'n lidmaat van die gemeente. Haar troosdiens is op Vrydag 12 Oktober in Edelweiss gehou.
- Dawida Anna Martha (Dawida) Swart, gebore 24/08/1931 en oorlede op 08/10/2018. Sy het sedert 1980 in Culemborgsingel 56 gewoon. Haar gedenkdien vind op Maandag 15 Oktober om 10:30 in die kapel plaas. Ons meegevoel met die familie wat sy agterlaat.

## **VATVYF - BYEENKOMS 24 OKTOBER**

Ons kuier by die Feesmark op Woensdag 24 Oktober om 10:00. Ons kom eers in die kapel byeen om na twee feesmarkuitstallers se lewensverhale en entrepreneurskapstories te luister. Daarna geniet ons 'n koppie tee/koffie/cappuccino en 'n soetigheid in die feesmarkrestaurant. Koste R20 per persoon. Besprekings by Karin 021 976 4519 voor of op 22 Oktober.

## **REËLINGS VIR 14 OKT. TOT 4 NOV.**

Om die aanbieding van die Feesmark moontlik te maak, word die volgende reëlins vanaf Sondag 14 Okt. tot 4 Nov. getref:

- 'n Gesamentlike diens word om 09:00 in die kerk aangebied. Die gesinsdiens verskuif dus na die kerk. Alle ander dienste gaan normaal voort.
- Kleuter- en peuterkerk verskuif na die komiteekamer in kerkkantoor.
- Junior kleingroepe kom almal (graad 1 tot 7) in die kerk byeen.
- Senior kleingroepe: graad 8 tot 10 - kerk en graad 11 - tent.
- Die kafeteria verskuif ook na die tent.

## **GEBEDSGROEPE**

**Maandag 09:15** – vrouebiduur in die gebedskamer.

**Geen biduur op Dinsdag 16 Oktober om 18:30 in die kapel nie.** Byeenkomste hervat op 23 Oktober.

**Donderdag 06:00** – gebedsbyeenkoms vir mans in die markplein.

## **NUUT IN DIE GEMEENTE**

Indien jy nuut by die gemeente ingeskakel het, kontak ons asseblief. Ons wil jou graag persoonlik ontmoet. Jy kan na die oggenddienste by die inligtingstoonbank aanmeld, of stuur 'n e-pos aan [odette@stellenberg.co.za](mailto:odette@stellenberg.co.za), of gesels na die diens met die prediker.

## **BREIGROEP**

Die breigroep kom weer op 5 November om 09:30 in die feesmarkrestauranttent byeen.